

ELMER, KOLORETAKO ELEFANTEA

Bazen behin elefante talde handi bat. Talde hartan bazeuden elefante gazteak eta zaharrak, elefante handiagoak, baita txikiagoak ere, baina denak ziren astunak, denek zituzten bi belarri handi, tronpa luzea, bi letaginoker, lau hanka sendo eta denak ziren grisak.

Denak Elmer izeneko elefantea izan ezik. Elmerrek bazituen bi belarri handi, tronpa luzea, bi letagin oker eta lau hanka sendo, baina ez zen grisa, koloretakoa baizik. Elmer horia zen. Eta laranja, eta gorria, eta morea, eta urdina, eta berdea, eta beltza, eta zuria. Oso bromazalea ere bazen Elmer eta barre eragiten zien beti gainerako elefante guztiei.

Baina Elmerrek beste elefanteak bezalakoxea izan nahi zuen eta, egun batean, grisez tindatu zuen azala. Egun hartatik aurrera, talde handi hartako elefanteek ez zuten barre egin. Serio-serio zeuden beti. Haiek ziren haiek elefante aspergarriak!

Behin, euria hasi zuen eta ur-tanta lodiek Elmerren azala garbitu zuten. Han azaldu ziren berriz ere horren koloreak eta han hasi ziren elefanteak berriz ere barreka eta algaraka. Eta ordutik Elmerren eguna ospatzen dute eta egun horretan kolorez margotzen dute azala, Elmerren antzekoak izateko.